

四川通志

卷首之十

聖訓

界沿江藏年三月初七日奉

二摺覽奏奏川楚邊界沿江藏匿賊匪全行肅清及
匪將界嶺賊勢情形二摺覽奏俱悉此次德楞泰分
所辦尙好勦川東散匪將界嶺內外及北岸南山內
藏匿殘匪悉數勦淨所辦尙好又據勒保等奏官兵
在大竹江北等處分勦賊匪一摺統計前後殲擒之

賊不過三二百名其餘散匪仍各分投奔竄看來川
境現在俱係零星餘逆並無著名成股賊匪但所剩
者俱係積久之賊狡猾異常且什百爲羣自不值以
大兵追逐德楞泰分遣將領搜捕並與勒保商令各
州縣碉寨聚團分派地方官管理不可徒托空言若
碉寨設險防禦而無官兵緊蹣則練勇未免心怯不
敢下寨迎攔倘官兵追逐於後而前無寨勇阻遏則
賊匪早經逃逸安能趕上痛加殲殺總須聯文武官
及兵勇寨民爲一心協力必能迅速成功況

內稱刻下兵力較倍於賊無須添調新兵而陳兵就
秋勇敢足深恃德楞泰勒保務當加之鼓勵儘現
有兵力堅韌辦或設伏邀截或改裝哄誘總在臨
時相度機宜設法籌辦朕亦不爲遙制此時春令僅
餘一月若再遲延麥收在即賊匪更得掠食飽颺又
形棘手德楞泰等不可不倍加奮勉也再勒保節次
摺內於該省軍需糧餉竝無一語奏及勒保身任總
督并帶兵大員專辦勦賊者可比地方軍需糧餉均
應預爲籌畫務臻妥協前經藩司楊揆以司庫不敷

支發情形具稟勒保該督祇令設法籌辦未經入告
迨至楊揆自行陳奏經朕允准發銀二百萬兩解往
備用現在該省勦辦祇係敗殘餘匪今得此項銀兩
接濟自己足敷應用如或實有不敷亦不妨據實早
爲奏聞續行撥給不可徒恃津貼以致派累閭閻但
不可因有此旨以爲可以源源接濟又復延挨時日
轉至糜費也至湯思蛟劉朝選二逆久在川境逃竄
此時藏匿何處不可令二賊免脫現在是否有官兵
專辦摺內亦未聲敘竝著查明具奏嗣後每隔七八

日務將軍務情形及現存賊數隨摺並奏卽或前次
奏報賊數衰減而下次或有裹脅湊聚及從山內竄
出以致爲數稍增亦應據實奏明不可迴獲前奏虛
報賊少其趕辦船隻之署巫山縣知縣徐士林尙屬
能事著德楞泰勒保存記俟再有出力之處續行保
奏至棄馬催兵遇賊陣亡之都司李鳳鳴殊爲可惜
著咨部加一等賜卹將此由六百里諭令知之欽此

嘉慶七年三月十三日奉

上諭勒保奏兜截張魏股匪痛加剿洗殲斃首逆及偽

元帥總兵等一摺覽奏欣慰張添倫一犯係襄陽起
事首逆在川陝等處屢次抗拒官兵肆其荼毒輾轉
稽誅實屬罪大惡極近又勾結魏家營殘匪在川北
境內奔竄經勒保飭令田朝貴追蹤緊躡連得勝仗
該逆竄過陳家坪一帶官兵三路追擊四面兜圍立
將該逆殺斃並將偽元帥陳國珠偽總兵魏學盛一
併殲斃復將張添倫胞姪三掌櫃張廷舉偽總兵楊
廷獻周心泰擒獲殺賊二百餘名生擒男婦二百

天

考垂佑深恩即感不盡

此股賊匪前經勒保奏明派令田

朝貴專剿嗣因賊勢鴟張勒保卽添派將弁帶領鄉
勇千餘名前赴協剿勒保復親往策應官兵聲威壯
盛賊匪無路奔逃得以痛加剿殺俾積年著名首逆
不致漏網固由將弁人人奮勇究因勒保調度得宜
所致勒保著加恩交部議敘田朝貴帶兵緊躡該匪
不予以暇竝督兵連夜進發殲獲巨夥實爲奮勇田
朝貴著加恩賞給提督銜如從前未得花翎卽著加

恩賞戴花翎現在勒保已趕赴田朝貴一路緊躡督
勦務須乘此兵威勝勢將逃竄零匪全行掃蕩勿使
一名漏網加緊迅速辦理然不可草率將就致使餘
灰復然爲最要俾川北全就肅清彼時再酌量情形
或幫同德楞泰將川東餘匪勦辦或仍在川北堵截
苟文明勿令竄入此等機宐朕亦不爲遙制惟在勒
保等同心併力速戴鉅功勉之望之至勒保摺內稱
魏棒棒本無其人因該逆魏學盛好用木棒擊人故
有此名等語魏棒棒一犯前經軍營奏報業經殲斃

何以此次摺內稱殲斃之魏學盛卽魏棒棒著查明
遇便覆奏又摺內稱魏洪升顏中考二犯逃竄未獲
從前軍營奏報曾有顏勝可一名與魏棒棒合夥奔
竄未經弋獲此次所稱顏中考一犯是否卽係顏勝
可亦著查明覆奏再此次奏報未將湯劉二逆下落
具奏亦當畱心緝獲勿令二賊漏網誌之將此由六
百里諭令知之欽此

嘉慶七年四月十一日奉

上諭勒保奏連日搜捕餘匪竝撥兵分路勦辦一摺覽

奏俱悉此次田朝貴張志林兩路官兵分投搜捕殲
擒賊匪或數十人或十數人竝無大股之賊其所擒
賊目劉紹甲等亦祇係新起賊目非復積年老匪且
聞官兵一至或潛匿草房或藏入箐林聚散無常零
星竄逸看此情形川省賊勢已衰卽聞有潛出摸樁
者亦祇與嘯匪相類此時正當專事搜捕仿照地方
辦案卽可完結但不因有此旨心存玩視草率將
就須知除惡務盡乃實心必飭令該鎮等按名弋
獲勿致漏網至張璠匪黨人雲霧山

老林而太平一帶

匪百十爲羣忽分

合派令豐紳帶領兵勇二千餘名前往督剿竝令一
面防堵陝境竄來之賊自應如此辦理現在陝省苟
逆一股經額勒登保等帶兵轟逼將欲出山之後未
必東趨自必轉而西竄西面甘肅地方土瘠民貧無
可裹脅該逆亦未必竄往其情形恐由棧道折竄入
川勒保當督飭豐紳等畱心防範嚴密堵剿設遇該
匪竄來正可與陝省官兵會合兜剿務將首夥各犯
悉力殲除此爲至要此時勒保駐劄達縣一帶距川

東稍遠現在楚境歸巴興山等處賊勢較衆德楞泰
雖已帶兵由水路前往截剿回川勒保亦當隨時畱
意妥爲戒備不可置川東於不問又據奏湯劉二逆
近日總未得蹤迹等語該二犯想係隻身逃竄勒保
旣飭令知府趙秉淵密行查拏著卽責成該府上緊
嚴緝飭令寨勇等改裝易服畱心盤詰一經拿獲卽
奏明將該府等優加恩獎將此由五百里諭令知之
欽此

嘉慶七年五月初一日奉

上諭勒保奏連日分路搜剿餘匪擒斬青白二號僞先鋒等一摺覽奏俱悉此次青白二號餘匪復經達斯呼爾岱田朝貴張志林三路官兵分投剿殺其殲斃賊匪二百四十餘名生擒二百餘名並生獲僞先鋒馬金保黃現文僞總兵周文禮及湯思蛟之弟湯思武賊勢益形衰敗所辦尙好看來川境餘匪日剿日少據勒保稱統計不及千人固屬確實但近日楚省邊界匪徒竟有六七千人設被德楞泰趕剿難保其不由大寧巫山等處入川此時勒保惟當督飭達斯

呼爾岱等各路官兵乘勝剿殺并飭地方官督率團
寨幫同搜捕務期搜剿淨盡切勿稍畱餘孽至湯劉
二逆前此隻身奔竄之後至今未得蹤迹務須督飭
鎮將嚴加搜捕每遇擒獲活賊時卽詳悉跟問一有
確實信息卽上緊擒拏斷不可令其漏網亦不可因
注意首逆轉將搜捕夥匪稍有稽延總須遇賊卽剿
務絕根株不可鬆勁至招撫稱大寧一路近有賊匪
一股約二三百人由楚省來分股向奉節雲陽地

界奔竄現在飛飭達勒等就地剿辦而本日德

撈泰

楚省然則

日德撈泰東必之後竄

出巴東陳家坡已入川境已有二千餘人其數不多
看來此時德撈泰移兵赴楚邊界遊奕各匪又多思
逃竄入川不但熊劉一股勢已東竄卽將來樊人傑
股匪經官兵勦急或亦思折竄入川均未可定勒保
須預籌備川東一帶甚關緊要現在該處防守鎮將
無多勒保一面飭令上緊堵截一面或再酌派將領
前往幫辦設遇有竄入賊匪務須就地殲盡其未經
竄入之賊尤須設法防禦不可使一名闌入爲要將

此由六百里報便諭令知之欽此

嘉慶七年五月二十五日奉

上諭勒保奏三路官兵搜剿餘匪生擒庾向瑤竝老教
掌櫃徐添培張思從及賊目多名一摺所辦俱好首
逆庾向瑤與冷添祿王三槐等同時在川省地方滋
擾日久稽誅前年在箭口河猝遇官兵情急撲水被
淹未死又復潛匿老林近與張思從等合夥在古佛
硎藏匿經勒保飭催達斯呼爾岱羅聲臯等帶兵冒
雨搜捕將此股零匪悉數殲擒竝將首逆庾向瑤及